

Ո Ր Ո Շ ՈՒ Մ N 060/1
/վարչական տույժ նշանակելու մասին/

«07» փետրվարի 2019թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Զավեն Հակոբյանս, քննելով «ՎԿՍ Արմենիա» ՍՊ ընկերության (ՀՎՀՀ 06940127, հասցե՝ ք. Երևան, Մոսկովյան 56/1/16, պետական գրանցման համար՝ 26.110.02672) տնօրեն Վիլհելմ-Ֆրիդրիխ Հոլդգրավի (անձնագիր՝ 182432533) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«ՎԿՍ Արմենիա» ՍՊ ընկերության անվամբ թիվ C 2619 /05100015 ՄՃՓ S/Մ/ առ 23.03.2016թ. ապրանքների հայտարարագրով «Ժամանակավոր ներմուծում» մաքսային ընթացակարգով՝ մինչև 17.12.2018 թվականը, Հայաստանի Հանրապետություն է ներմուծվել 780 կգ ընդհանուր քաշով կոճգամ կպցնող մեքենաներ և մետաղական պահարաններ, սակայն սահմանված ժամկետում նշված բեռը չի արտահանվել կամ ձևակերպվել այլ մաքսային ընթացակարգով, ինչի արդյունքում խախտվել է հետադարձ արտահանման պարտավորությունը:

ՀՀ ՊԵԿ Արարատյան մաքսատուն-վարչության ԳՀՀ բաժնի ավագ մաքսային տեսուչի կողմից 25.12.2018 թվականին «ՎԿՍ Արմենիա» ՍՊ ընկերության տնօրեն Վիլհելմ-Ֆրիդրիխ Հոլդգրավի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներով: Մաքսային կանոնների խախտման վերաբերյալ գործի քննությունը նշանակվել է 07.02.2019 թվականին ժամը 11:00-ին, ինչին ներկայացել է փաստաբան Միեր Հակոբյանը (փաստաբանական վկայական թիվ 1205)՝ ներկայացնելով լիազորագիր՝ տրված «ՎԿՍ Տեքստիլֆերեյլունգս» ՍՊ ընկերության գործադիր տնօրեն Վիլհելմ Ֆրիդրիխ Հոլդգրավի կողմից, սակայն վերջինիս լիազորությունները սույն գործով չեն հաստատվել:

ԵՏՄ մաքսային օրենսգրքի 219-րդ հոդվածի 1-ին մասի համաձայն՝ «Ժամանակավոր ներմուծում (թույլտվություն)» մաքսային ընթացակարգն օտարերկրյա ապրանքների նկատմամբ կիրառվող մաքսային ընթացակարգ է, որին համապատասխան այդ ապրանքները ժամանակավոր գտնվում և օգտագործվում են Միության մաքսային տարածքում, պահպանելով ապրանքներն այդ մաքսային ընթացակարգով ձևակերպելու և այդ մաքսային ընթացակարգին համապատասխան դրանք օգտագործելու պայմանները՝ ներմուծման մաքսատուրքերի, հարկերի մասնակի վճարմամբ և առանց հատուկ, հակազնագցման, փոխհատուցման տուրքերի վճարման կամ առանց ներմուծման մաքսատուրքերի, հարկերի վճարման և առանց հատուկ, հակազնագցման, փոխհատուցման տուրքերի վճարման:

Նույն օրենսգրքի 220-րդ հոդվածի 2-րդ մասի 1-ին կետի համաձայն՝ ապրանքների՝ «Ժամանակավոր ներմուծում (թույլտվություն)» մաքսային ընթացակարգին համապատասխան օգտագործման պայմաններն են՝ «Ժամանակավոր ներմուծում

(թույլտվություն)» մաքսային ընթացակարգի՝ մաքսային մարմնի կողմից սահմանված գործողության ժամկետի պահպանումը:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

«ՎԿՍ Արմենիա» ՍՊ ընկերության անվամբ թիվ C 2619 առ 23.03.2016թ. ապրանքների հայտարարագրով հայտարարագրված բեռը «Ներքին սպառման համար բացթողում» մաքսային ընթացակարգով հայտարարագրելու դեպքում կառաջանա մաքսային վճարներ 6,886,512 ՀՀ դրամի չափով (216,975 ՀՀ դրամ մաքսատուրքի գումար և 6,669,537 ՀՀ դրամ ԱԱՀ-ի գումար):

Այսպիսով, վարույթի նյութերով հիմնավորվում է, որ «ՎԿՍ Արմենիա» ՍՊ ընկերության տնօրեն Վիլհելմ-Ֆրիդրիխ Հոլդգրավը սահմանված ժամկետում չի ապահովել թիվ C 2619 առ 23.03.2016թ. ապրանքների հայտարարագրով «Ժամանակավոր ներմուծում» մաքսային ընթացակարգով հայտարարագրված բեռի արտահանումը, ինչով պայմանավորված թույլ է տվել ՀՀ մաքսային օրենսգրքի 199-րդ հոդվածի 1-ին մասով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 13-րդ բաժնով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածի 1-ին մասով նախատեսված մաքսային կանոնների խախտում կատարելու համար «ՎԿՍ Արմենիա» ՍՊ ընկերության տնօրեն Վիլհելմ-Ֆրիդրիխ Հոլդգրավին ենթարկել վարչական պատասխանատվության՝ տուգանելով **3,443,256 ՀՀ դրամ**:
2. Որոշման մասին հայտնել «ՎԿՍ Արմենիա» ՍՊ ընկերության տնօրեն Վիլհելմ-Ֆրիդրիխ Հոլդգրավին՝ պարզաբանելով, որ այն օրենքով սահմանված երկամսյա

Ժամկետում կարող է բողոքարկվել վերադաս մաքսային մարմին (ք. Երևան, Մ. Խորենացի 3/7) կամ դատարան:

Սույն որոշմամբ նշանակված տուգանքի վճարման հաշվեհամարներն են. 900005024055՝ գումարի 70% և 900013323010՝ գումարի 30% (ՀՀ պետական բյուջե, կենտրոնական գանձապետարան, Արարադյան մաքսատուն-վարչություն, ԿՈՂ 27):

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



Զ. ՀԱԿՈԲՅԱՆ